



www.BibleForChildren.org



AR XUWA 14



Yo gi tu ri muihu. Gi ñ'emihu Jö, ñ'emigihu n'ehe.
Núnu habu bi 'bu ma Dada, bi ja nzeye ya ngu. Nu'mu
hindi njap'u, xta xi'ahu n'agitho. Gar manu 'mu, ma ga
hok'ahu habu gi 'buhu. Ne xka ma ga hok'ahu habu gi
'buhu, ma ga pengase ga tsix'ahu, ne njap'u mahyegi
ga 'buhuihu, ne
habu ga 'buka
ka gi 'buhunu
n'ehe.



Nuga dar Xuwa ri kuhü, di thohü mahyegi ya nt'utsa,
di 'bühwihü mahyegi hár ts'ut'wi ar tsi Hmu
Hesukristo, ne di tsethü nö'ö bi


epkagihü. Dá tsokawa har xeni hai o har
dehe ár thuhu Mpatmo,



ngetho di mömba
ár mhö Jö, ne di
damajöni togo ar tsi
Hmu Hesukristo.



M'ēfa ár Hñö Jö bi hyexkagi ne bi utkagi n'ar thuxandö
mi 'buhnu mhets'i, ne mi huxhnu n'a.




Ne gatho nu ma'ra xi hyoka Jö bi ñö n'ehe, nu'u bi 'bu
mhets'i, nu'u 'bu har ximhai, nu'u 'bu mbor hai,
nu'u 'bu har dehe ne nu'u ya zu'we
kunu. Da ode bi 'ñeñ'u: Dá nsata
Jö togo huxa har thuxandö,
ne dá nsata ar tsi Ntxöndöni.
Dá t'e'spa ár nsu, dá t'umba ar
nsunda. Dá mhö
pe'sa ar ts'edi
hiñham'u
da göts'i.




Nuga dar Xuwa, da handa ar jöpa hnini, nunar 'ra'yo Herusalen, ba kö'ma Jö mhets'i habu bi 'bu'ö, xa mi nzatho ngu n'ar 'behñö xi ñhoki da nthötwi ár döme. Ne da o n'ar mhö ndi 'ñe mhets'i mi enö: —Hyandi, nupya ár nijö Jö 'buhwi ya meximhai, ne nö'ö ma da m'uhwi'u.


Nuyu ma da m'ui ngu ár hnini, ne gese Jö ma da m'ui ngu ár Jö'u.



Nep'u ar ɛnxɛ bi utkagi n'ar dōthe mi po ar dehe unga ar te, xa mar ñhats'i, mi hwɛxka ngu n'ar doxito. Nunar dōthenu pɔnga hár thuxandö Jö ne ar tsi Ntxöndöni.



Hingi homba ár ñot'i ar hyadi ne ár ñot'i ar zönö, ngetho hexa ar hyats'i ár nsunda Jö, ne ar tsi Ntxönandöni gehnu 'yotwabi'ü.




Hinte ma nts'otho ma da yuṭnu, hinda yuṭ'a n'a togo
hingi oṭ'a xiñho wa di mönga ya nhemhñö; hõnse
nu'u togo di huxa yá
thuhu har he'mi nõnga
ar te, ár meṭi ar
tsi Ntxõnandõni.




Jö ma da dukwa gatho yá gidá ha
yá da'ú. Hinda ma da nja ar ndöte,
ar ts'oni, ar mhafi, ar úgi, ngetho
nuya 'bét'o thogi xi m'edi.




Hinte janu nö'ö xi t'ent'i da ts'oni. Ha nu ár thuxandö
Jö ne ar tsi Ntxönandöni ka 'buhnu, ne gatho yá
'bego pepabi, ma da tsa da ñhandwi, ne ár thuhu
di tu ha yá dë'u.



Ne da handa gatho nu'ụ togo xki du, ya döta ne ya t'ulo,
mi 'ba'ụ hár nthandi Jö. Bi ntunga 'ra ya he'mi, ne
man'ar he'mi bi ntungi, gehnu habu huxa yá thuhu nu'ụ
togo pe'sa ar te hiñham'ụ da göts'i. Nuya xki du bi
thö'spa majöni, ne bi t'umbi nö'ö ndi
'ñepi, ngu mi huxa ha ya he'mi, ngetho
njap'ụ xki 'yot'ụ. Ha gatho nu'ụ
togo himbi thini mi huxa
yá thuhu har he'mi
nonga ar te, bi
t'ent'ụ har
ñhonthé tsibi.



Ár Hñö Jö ne ár 'behñö ar tsi Ntxöndöni enö
njawa: —Ba ehe. Ne gatho nu'ü togo ode, dá 'ñenö
n'ehe: —Ba ehe. Ne gatho nu'ü togo tuthe, dá ehe,
ne gatho nu'ü togo ne, dá e da zi nunar dehe
unga ar te t'untho.



Jö xa bi mö ya meximhai, jange bi
unga nö'ö n'ase ár T'u, ne njap'u
gatho nu'u togo da ñ'emui, hinda
m'edi, ma da me'sa ar te
hiñham'u da göts'i.



AR ROMANU 3:23

Ngetho gatho xi nts'okte ne hindi 'ñepi da hyandwa ár nsunda Jö.

AR ROMANU 6:23

Nunár njut'i ar ts'oki, ar ndöte. Ha nor nt'uni Jö, ar te hiñham'ü da göts'i, ngetho di 'buhwihü ma tsi Hmuhü Hesukristo.

AR EBREO 9:27

Ne ngu xi thu'spabi ya jö'i, hõnse n'agi da duyü, ne da thö'spa majöni,



AR EFESIO 2:8,9

Ngetho Jö bi hwägagihü ar mpohö nú'mü nda ñ'emüihü. Himbi pokagihü ma ts'edisēhü, gehnü n'ár nt'uni Jö. Hinto xi pose yá hoga 'befi. Nu ' mü bi njap'u, tsá da 'ñexhmö ár nsu 'mü.

AR ROMANU 10:9,10

Nu'mü nuna ri ne damajöni ar Hesukristo gehnü ar Hmu'ö, ne gi jamfi ha ri müi Jö bi guxa man'agi har ndöte, ma gi mpohö. Ngetho ha ma müihü di ñ'emüihü, ne njap'u nhugagihü hinte ma ts'oki di tuhü. Ha numa nehü damajöni nö'ö di ñ'emüihü, ne njap'u ga mpohü.



AR XUWA 3:16,17

Jö xa bi mö ya meximh̄ai, jange bi unga nö'ö n'asé ár T'ü, ne njap'ü gatho nu'ü togo da ñ'em̄ui, hinda m'edi, ma da me'sa ar te hiñham'ü da göts'i. Ngetho Jö hinxpa pehna ár T'ü har ximh̄ai da mehna har 'bexui ya meximh̄ai. Xpa pehni da pohyü.

1 ÁR NDUI AR XUWA 5:11-13

Ne go gehny ar mhö xi damajöni: Jö xi 'raju ar te hiñham'ü da göts'i, ne nunar teny go unga ár T'ü. Nö'ö togo pe'spa ár T'ü Jö hár mui, pe'sa ar te hiñham'ü da göts'i. Ha nö'ö togo hingi pe'spa ár T'ü, hingi to'ma ar te hiñham'ü da göts'i. Di ot'ahy nuya mhöyü, di xi'ahy nu'ahy gi ñ'em̄uibihy ár T'ü Jö, njap'ü gi pohyü gi pe'sy ar te hiñham'ü da göts'i.



AR XUWA 14; 2 ÁR ÑOHO AR KORINTIO 5;
YA NTHANDI 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Otomi, Querétaro NT (otq) © 2003, Wycliffe Bible
Translators, Inc. All rights reserved.

<https://www.bible.com/bible/259/MAT.1>

©2025 Bible for Children, Inc.

www.M1914.org

www.bibleforchildren.org

